



Tuhaqtidjut

Hivuliqti Savikataaq ihumagijait ajuqhaqtillugit Cowessess Hivulliq Nunaqaqqaahimajunut

Arviat, Nunavut (Imaruqtirvia 24, 2021) - Hivuliqti Joe Savikataaq ublumi tunijaa una uqauti:

“Umativut hakugiknikhamullu ihumagijavut Cowessess Hivulliq Nunaqaqqaahimajunut inuillu tamaita ajuqhaqtitaajut nalvaaqhingmata talvani aullaqtitauvaktunut ahinut ilkiharviani Marieval Indian Residential School.

Qaffiulirniaqqat aullaqtitaajut ahinut ilihariaqtuqhimajunut amigaiktut iluviit paqitaungmata Nunaqaqqaahimajut Inuit ajuqhaqtitauniaqqat? Ajurnakpiaktuq qangaraaluk nutaqqavut tigujauhimangmata aullaqtirutaanut 1883-mi.

Nunaqaqqaahimajut Hivullit, Inuit ukuallu Métis itquumajumik tuhaajukhaujut. Tamainnik.

Mamianautikhanik tuhaajukhaujugut. Inungnit tamainnit, ilauhimajut, tausingujunut ajuqhaqtitaahimajut ilaqatigiiktut nunallaallu.

Ihuaqhaqtitaajukhaq. Itquumajumik, ihuaqhaqtitaupkiagakhaq kukiktauhimajunut nutaqqanut ajuqhaqtitpiakhugit ilaqatigiiktut.

Kiunnaqtuutikhaqaqtukhaujugut. Qilamik kiujukhaujut tamainnit ajuqhaqtittijinit.

Mamittirtukhauqtugut. Pidjutigihimajainik, itquumajunut mamittirluta pilugit pitqujaptingnik pijumajaptingnullu.

Ihuaqhaqtitaajakhat ihuittumik pidjutainit. Akhuurutaujanut, nakuukpiaktumik ihuaqhaqtitaugit.

Ihuaqhautikhanik takujumajugut. Ihuaqhaqtillugit aadjikkiiktumik nakuujumiklu pidjutikhainut tamainnut Nunaqaqqaahimajunut inungnut Kanatami, tadja. Tamaita Nutaqqat Ihumagijaujukhat. Qangaraaluk, tadja, hivuniptingnullu.

